



**KEMENTERIAN PERPADUAN NEGARA  
ARKIB NEGARA MALAYSIA**

## **TEKS UCAPAN PERASMIAN**

**YB DATUK AARON AGO DAGANG  
MENTERI PERPADUAN NEGARA**

**SEMPENA**

**BICARA BAHASA KOLOKIAL:  
MELESTARI KEBERDAYAAN BAHASA KOMUNITI  
“MENGHILIR SUNGAI PAHANG”**

**13 JULAI 2023 (KHAMIS) | 9.00 PAGI  
GRAND DARULMAKMUR HOTEL KUANTAN,  
KUANTAN, PAHANG**

Selamat Pagi, Salam Sejahtera, Salam Perpaduan dan Salam Malaysia MADANI.

## **SALUTASI**

*(Disediakan berasingan)*

## **PENDAHULUAN**

1. Pertama sekali syabas dan tahniah diucapkan kepada Arkib Negara Malaysia atas penganjuran Bicara Bahasa Kolokial : Melestarikan Keberdayaan Bahasa Komuniti ‘Menghilir Sungai Pahang’ yang diadakan pada hari ini.
2. Ucapan setinggi-tinggi penghargaan dan jutaan terima kasih juga diucapkan kepada Tokoh-tokoh Pembicara dan Pengerusi Sesi serta semua yang hadir untuk menjayakan program pada hari ini sama ada yang mengikuti secara fizikal di dewan ini mahupun yang hadir secara maya melalui siaran laman *facebook* rasmi Arkib Negara Malaysia.
3. Tema yang dipilih untuk program hari ini iaitu **Melestari Keberdayaan Bahasa Komuniti ‘Menghilir Sungai Pahang’** amat bersesuaian dan tepat untuk digarapkan dan dibicarakan.

4. Saya menyambut baik dan menyokong usaha Arkib Negara Malaysia untuk mengesan, mengumpul dan menyetengahkan ahli akademik dan individu yang bergiat secara aktif dalam organisasi dan persatuan yang selama ini memperjuangkan usaha mendokumentasikan bahasa kolokial tersebut agar terus hidup dan dituturkan.

### **BAHASA SEBAGAI CERMINAN JATI DIRI BANGSA DAN EJEN PERPADUAN**

Sidang hadirin yang saya muliakan,

5. Saya percaya penganjuran program ini dapat mengangkat dan memartabatkan elemen-elemen tradisi, seni dan budaya amnya dan bahasa khasnya sebagai ejen perpaduan kaum dan kejayaan Malaysia MADANI yang sekali gus memperkukuhkan semangat cintakan sejarah dan patriotisme dalam kalangan masyarakat.
6. Bahasa etnik dan bahasa kolokial merupakan khazanah warisan negara yang seharusnya dipelihara, dituturkan, dikembangkan, dimartabatkan dan dilestarikan. Ianya perlu difahami, dihayati dan dihormati oleh semua lapisan masyarakat bahawa setiap pertuturan atau penggunaan sesuatu bahasa itu melambangkan jati diri terhadap

sesebuah sukuk aum dan secara tidak langsung dapat menyemarakkan lagi semangat perpaduan.

## **USAHA ARKIB NEGARA MALAYSIA MEMASYARAKATKAN BAHAN ARKIB**

Dif-dif kehormat, tuan-tuan dan puan-puan,

7. Arkib Negara Malaysia sememangnya memainkan peranan penting dalam memasyarakatkan bahan arkib melalui penganjuran program-program advokasi bagi melestarikan perpaduan melalui tradisi dan budaya yang ada di negara kita.
8. Saya berharap program seumpama ini mampu menyatupadukan masyarakat kita dan dapat diteruskan lagi pada masa akan datang dan menjadi agenda Arkib Negara Malaysia pada setiap tahun.
9. Justeru, saya menyeru penglibatan organisasi kerajaan mahupun badan bukan kerajaan untuk bekerjasama bagi mempergiat dan menyokong usaha Arkib Negara Malaysia mengesan, mengumpul, merekod dan memelihara maklumat sejarah, seni dan budaya negara yang amat penting bagi menyambung warisan perpaduan dan

kemakmuran negara sebagaimana yang digarapkan dalam wawasan Malaysia MADANI.

10. Semoga lebih banyak lagi badan-badan bukan kerajaan sudi berkolaborasi dengan Kementerian Perpaduan Negara melalui Arkib Negara Malaysia untuk melestarikan nadi perpaduan bagi pembentukan negara bangsa yang mantap dapat dilaksanakan bersama.

## **PENUTUP**

Hadirin yang dihormati sekalian,

11. Saya yakin program pada hari ini menjadi satu platform mengeratkan hubungan masyarakat, memperkukuh sikap toleransi serta memelihara budaya dan citra bangsa. Kementerian Perpaduan Negara akan terus memberi sokongan padu dalam usaha memperkasa program intelektual budaya negara untuk diketengahkan dan disegarkan bagi melestarikan perpaduan lebih-lebih lagi untuk dihayati dan difahami oleh generasi muda.
12. Akhir kata, sekali lagi saya ucapkan setinggi-tinggi tahniah dan terima kasih kepada semua yang terlibat dalam menjayakan program hari ini. Semoga hasrat kita untuk

kekal bersatu padu, makmur dan sejahtera dapat direalisasikan bersama. Sesungguhnya, dimensi kebudayaan negara adalah asas kepada peradaban bangsa dan tunjang kepada perpaduan negara.

13. **Saya dengan sukacitanya merasmikan Bicara Bahasa Kolokial: Melestari Keberdayaan Bahasa Komuniti 'Menghilir Sungai Pahang'.**

Sekian, terima kasih.